



Averuserneq avinnerlu

Averuserneq aamma avinneq sunaava?
Sumi suliassanngortitsisoqarsinnaava?

| Kalaallit Nunaanni Eqqartuussiviit |

AVERUSERNEQ AAMMA AVINNEQ SUNAAVA

Aappaasoq aappariinnermi ingerlaannarsinnaanngissorisoq averusernissaminut pisinnaatitaavoq.

Aappaasoq qaammatini arfinilinni averusersimareernerup kingorna avinnissaminut pisinnaatitaavoq, aappariit tamanna isumaqatigiissutigippassuk. Aappariit isumaqatigiinngippata, ukiumi ataatsimi averusersimareernermi avinnissaq pisinnaatitaaffiuvoq.

Aapparisaq inooqatiginissaa kissaatiginngikkaanni, averusernissaq qinnutigineqarsinnaajuaannarpoq. Averuserneq avissinnaalernissap tungaanut eqqarsaqqinniarluni unikkallarneruvoq. Aappariit najugaqatigiilerpata averuserneq nammineq atorunnaartarpoq.

Avinneq isumaqarpoq, aappariinnerup kipitinneqarnera, aappariit katisimajunnaarsillugit.

Piumasaqaatit ilaat ataaseq naammassineqarsimappat avittoqarsinnaavoq:

- Aaqqiagiinnginneq peqqutingalugu ukiunit marlunniit siviluserusumik avissaaqqalluni inuusimagaanni.
- Aappariit aappaa allasiorsimappat imaluunniit atoqatigiinnermut assigusumut peqataasimappat.
- Aappariit aappaa ilinnut meeqqassinnulluunniit piaaraluni sualuttumik pissusilimmik nakuusersimappat.
- Aappariit aappaa inatsimmut akerliusumik inummut allamut katissimappat (marlunnik nuliaqarneq/ueqarneq).

AVINNISSAQ AVERUSERNISSARLUUNNIIT PILLUGU QANOQ EQQARTUUSSISOQARFIKKUT SULIASSANNGORTITSISOQAR-TARPA?

Aappariit averusernissaq imaluunniit avinnissaq isumaqatigiissutigippassuk Kalaallit Nunaanni Naalagaaffiup Sinniisoqarfanut saaffiginissapput. Oqa. 321001, nittartagaq: <https://www.rigsombudsmanden.gl/>

Aappariit isumaqatigiissinnaanngikkunik suliassanngortitsissummik immersuisapput. Taanna Eqqartuussisoqarfimmi nittartakkatsinniluunniit aaneqarsinnaavoq: www.domstol.gl

Suliassanngortitsissummi allanneqassaaq avinnissaq imaluunniit averusernissaq kissaatigineqarneris. Aammattaaq allanneqassaaq akilersuuteqartoqarnissaa kissaatigineqarneris.

Isumaqatigiikkussi Naalagaaffiup Sinniisoqarfia attaveqarfigissavarsi.

Isumaqatigiinngikkussi suliassanngortitsissummik immersueriarlutit najugaqarfigisanni Eqqartuussivimmuut tunniutissavat.

Illuatungeriit attaveqaataat najugaqarfiilu eqqortut suliassanngortitsissummut allannissaat pingaaruteqarpoq.

Suliassanngortitsissummi allassavat averuserusunnerlutit avikkusunnerlutilluunniit.

AVINNISSAQ AVERUSERNISSARLUUNNIIT PILLUGU SUMI SULIASSANNGORTITSISOQASSAVA

Suliassanngortitsisoqassaaq eqqartuussisoqarfimmi illuatungiusup illoqarfigisaniittumi. Assersuutigalugu uiusoq avikkusuppat averuserusupalluunniit suliassanngortitsisoqassaaq illoqarfimmi nuliaasup najugaqarfiani.

18-it inorlugit ukiulinnik meeraqarussi angajoqqaatut oqartussaassuseqarnek pillugu immikkut suliassanngortitsisoqarsinnaavoq. Angajoqqaatut oqartussaassuseqarnermik suliat pillugit ilitsersuummi paasisaqarnerugit.

SULIAP INGERLANNEQARNERA

Eqqartuussisoqarfiup suliassanngortitsissut tigoreeruniuk illuatungiusumut nassitutissavaa, piareersaataasumik eqqartuussinissamut aggeqqusissut ilanngullugu.

Illuatungiusoq eqqartuussisoqartinnagu allakkatigut akissuteqassaaq. Akissuteqaat eqqartuussisoqarfimmut, aggersaasumut, nassiunneqassaaq.

Piareersaataasumik eqqartuussineq tassaavoq eqqartuussisumik oqaloqateqarnek. Eqqartuussisup illuatungeriit maleruagassat suliallu ingerlaqqinnissaa pillugit ilitsersorsinnaavai. Ataatsimiittoqarnerani eqqartuussisoq naliliissaaq paasissutissat suut suliami piniarneqarsinnaanersut. Paasissutissat piniarneqarsinnaasut suunersut ataani takusinnaavat. Illuatungeriit piareersaataasumik eqqartuussinermi isumaqatigiissappata suliaq tassani naammassineqarsinnaavoq.

Illuatungeriit isumaqatigiinngippata suliaq kinguartinneqassaaq eqqartuussisut paasissutissanik piniareernissaannut. Piareersaataasumik eqqartuussisoqarnerani isumaqatigiissutigineqassaaq qaqugu suliami eqqartuussutissamik isumaqatigiinniuteqartoqassanersoq. Eqqartuussutissamik isumaqatigiinniuteqarneq suliaq eqqartuussisunit aalajangiivigineqartinnagu ataatsimiinneruvoq kingulleq.

Illuatungeriit eqqartuussissuserisoqarpata, eqqartuussissuserisui eqqartuussinerni tamani peqataassapput.

PIFFISSAQ SULIAP SULIARINEQARNERANUT ATORNEQARTOQ

Suliat eqqartuussisoqarfimmi tiguneqarneraniit qaammatit arfinillit iluini naam-massillugu suliarineqarnissaa eqqartuussisoqarfiup anguniagaraa naammassineqarnissaa.

NAMMINEQ ANINGAASARTUUTIGINNGISAMIK EQQARTUUSSISULERSUUSSINEQ

Eqqartuussissuserisoqarusukkuit, eqqartuussissuserisumullu akissaqanngikkaanni nammineq aningaasartuutiginngisamik eqqartuussisulersuussinissamik qinnuteqartoqarsinnaavoq.

Nammineq aningaasartuutiginngisamik eqqartuussisulersuussineq Kalaallit Nunaanni Naalagaaffiup Sinniisoqarfianut qinnutigineqarsinnaavoq, oqa.: 321001. nittartagaq:

https://www.sullissivik.gl/Emner/Politi_og_retsvaesen/Fri_proces_Generelt_om_og_ansoegning?sc_lang=kl-GL&mupid=Sermersooq

Nammineq aningaasartuutiginngisamik eqqartuussisulersuussinissaq akuerineqarpat naalagaaffiup eqqartuussissuserisumut aningaasartuutit akilissavai. Nammineq aningaasartuutiginngisamik eqqartuussisulersuussinissamik akuerisaasup nammineq eqqartuussissuserisoq, ikiortigerusutani, attaveqarfigissavaa. Eqqartuussissuserisoq eqqartuussiviit nittartagaani www.eqqartuussivik.gl nassaarisinnaavat.

ATTAVEQARFISSAQ

Arlaannik nalornissuteqaruit imaluunniit ilitsersorneqartariaqaruit paasissutissat amerlanerit uani takusinnaavatit: www.eqqartuussivik.gl imaluunniit eqqartuussisoqarfik sianerfigisinnaavat: 36 38 00